

Broj: 01-01.3-3736-10/17 MA
Datum: 20.10.2017.godine

Na osnovu člana 70. stav (4) Zakona o javnim nabavkama ("Službeni glasnik BiH", broj 39/14), te preporuke Komisije za javne nabavke konstatovane u Zapisniku o pregledu i ocjeni ponuda, broj: 01-01.3-3736-9/17 MA od 16.10.2017. godine, direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU o poništenju postupka javne nabavke

I

Poništava se otvoreni postupak, broj: 01-01.3-3736/17 MA, skupa sa Obavještenjem o nabavci, broj: 266-1-2-302-3-102/17 objavljenom na Portalu javnih nabavki dana 07.09.2017. godine, te Isprawkama za Obavještenje o nabavci, br.: 266-1-2-302-8-104/17 objavljenom dana 18.09.2017. godine i 266-1-2-302-8-107/17 objavljenom dana 21.09.2017. godine, a koji se odnosi na nabavku usluga: „Konsultantske usluge za strukturiranje emisije korporativnih obveznica“, u skladu sa članom 69. stav (2) tačka d) Zakona o javnim nabavkama (u daljem tekstu: Zakon), jer nijedna od primljenih ponuda nije prihvatljiva.

II

U otvorenom postupku za nabavku usluga „Konsultantske usluge za strukturiranje emisije korporativnih obveznica“ zaprimljena je 1 (jedna) ponuda i to ponuđača – Grupe ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo.

III

Ponuda ponuđača – Grupe ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo odbacuje se kao neprihvatljiva, u skladu sa članom 68. stav (4) tačka i) Zakona, jer ponuda ne ispunjava zahtjeve iz tenderske dokumentacije.

IV

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba.

V

Ova Odluka stupa na snagu danom donošenja.



VAD

O b r a z l o ž e n j e

Ugovorni organ Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa čl. 14. stav (4), 18. stav (1), i 19. stav (1) Zakona, za svoje potrebe pokrenulo otvoreni postupak, broj: 01-01.3-3736/17 MA za nabavku usluga: „Konsultantske usluge za strukturiranje emisije korporativnih obveznica“. Na Portalu javnih nabavki za ovaj postupak objavljeno je Obavještenje o nabavci, broj: 266-1-2-302-8-104/17 dana 07.09.2017. godine, te Ispravke za Obavještenje o nabavci, br.: 266-1-2-302-8-104/17 dana 18.09.2017. godine i 266-1-2-302-8-107/17 dana 21.09.2017. godine.

Utvrđeni kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije, te izmjena tenderske dokumentacije i Ispravki za obavještenje o nabavci zakazano je javno otvaranje ponuda dana 09.10.2017. godine u 10:30 sati u prostorijama Javnog preduzeća „Autoceste Federacije Bosne i Hercegovine“ d.o.o. Mostar, Operativni ured u Sarajevu, Dubrovačka 6, Sarajevo, što je konstatovano u Zapisniku o otvaranju ponuda, u skladu sa Zakonom. Komisija je na javnom otvaranju ponuda konstatovala da je ponudu predao 1 (jedan) ponuđač.

Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda, broj: broj: 01-01.3-3736-9/17 MA od 16.10.2017. godine, koji je sastavni dio ove Odluke.

Shodno prijedlogu i preporuci Komisije za javne nabavke, poništava se otvoreni postupak za nabavku usluga „Konsultantske usluge za strukturiranje emisije korporativnih obveznica“ u skladu sa članom 69. stav (2) tačka d) Zakona, jer nijedna od primljenih ponuda nije prihvatljiva.

- Ponuda ponuđača – Grupa ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo odbacuje se kao neprihvatljiva u skladu sa članom 68. stav (4) tačka i) Zakona, jer ponuda ne ispunjava slijedeće zahtjeve iz tenderske dokumentacije:
 - član Grupe ponuđača „Delotte“ d.o.o. Sarajevo nije registrovan za obavljanje usluga koje su predmet nabavke („Nabavka konsultantskih usluga za strukturiranje emisije korporativnih obveznica“), što je zahtijevano tač. 7.2.1 i 7.6.1 tenderske dokumentacije,
 - Grupa ponuđača nije dokazala uspješno iskustvo u realizaciji istih ili sličnih poslova u posljednje 2 (dvije) godine, u vidu uspješno realizovanog najmanje 1 (jednog) ugovora čija vrijednost ne može biti manja od 150.000,00 KM, a maksimalno 2 (dva) ugovora čija zbirna vrijednost ne može biti manja od 150.000,00 KM, koji se odnosi/e na primjenu zahtjeva emisije vrijednosnih papira u posljednje 2 (dvije) godine, što je zahtijevano tačkom 7.4.1 a) tenderske dokumentacije,
 - Grupa ponuđača nije dokazala uspješnu realizaciju na najmanje 10 (deset) dužničkih transakcija u poslovima čije su vrijednosti transakcija (npr. izdavanja korporativnih obveznica, privatnog plasmana duga, sindiciranih kredita i sl.) jednake ili veće od 100.000.000,00 KM u posljednje 2 (dvije) godine, što je zahtijevano tačkom 7.4.1 b) tenderske dokumentacije,
 - Grupa ponuđača nije dokazala minimalne zahtjeve stručnosti i iskustva za ključne stručnjake, i to: I Ključni stručnjak – Voditelj projekta, II Ključni stručnjak – Koordinator projekta u Bosni i Hercegovini, III Ključni stručnjak – Stručnjak u dužničkom savjetovanju, IV Ključni stručnjak – stručnjak u finansiranju infrastrukturnih projekata, što je zahtijevano tačkom 7.4.1 c) tenderske dokumentacije.

Shodno navedenom ugovorni organ je prihvatio prijedlog Komisije i donio Odluku kao u dispozitivu.



Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda.

**izvršni direktor
za ekonomsko-finansijske poslove:**

.....
Ivica Ćurić, MBA



direktor:

.....
Adnan Terzić, dipl.ing.

Dostaviti:

- Nosilac Grupe ponuđača „Deloitte Advisory Services“ d.o.o. Sarajevo,
- a/a.



Broj: 01-01.3-3736-9/17 MA
Datum: 16.10.2017. godine

U skladu sa članom 65. Zakona o javnim nabavkama („Službeni glasnik BiH“, broj 39/14), te članom 18. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i članom 14. Pravilnika o javnim nabavkama JP „Autoceste FBiH“ d.o.o. Mostar, broj: NO 1.01-724-11/15 od 24.02.2017. godine, Komisija za nabavke imenovana rješenjem, broj: 01-01.3-3736-5/17 MA od 19.09.2017. godine, sačinjava:

ZAPISNIK O PREGLEDU I OCJENI PONUDA u otvorenom postupku javne nabavke

- Naziv i sjedište ugovornog organa:** JP „Autoceste FBiH“ d.o.o. Mostar;
- Predmet nabavke:** Nabavka usluga: „Konsultantske usluge za strukturiranje emisije korporativnih obveznica“;
- Evidencijski broj nabavke:** 01-01.3-3736/17 MA;
- Vrsta postupka javne nabavke:** Otvoreni postupak;
- Procijenjena vrijednost nabavke:** 150.000,00 KM;
- Broj obavještenja o nabavci sa Portala javnih nabavki:**
 - Obavještenje o nabavci, broj: 266-1-2-302-3-102/17 objavljeno dana 07.09.2017. godine;
 - Ispravka za Obavještenje o nabavci, broj: 266-1-2-302-8-104/17 objavljena dana 18.09.2017. godine;
 - Ispravka za Obavještenje o nabavci, broj: 266-1-2-302-8-107/17 objavljena dana 21.09.2017. godine.
- Datum početka pregleda i ocjene ponuda:** Komisija je počela da pregleda ponude 11.10.2017. godine;
- Naziv i sjedište svih ponuđača, prema redoslijedu zaprimanja ponuda:**
 1. Grupa ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo, 09.10.2017. godine u 09:23 sati;
- Podaci o pojašnjenju dokumenata u skladu sa članom 68. stav (3) Zakona, ako ih je bilo:**
Nije traženo pojašnjenje dokumenata;
- Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:** Nije bilo ispravki koje su urađene na propisan način.
- Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:**



	ANALIZA, PREGLED I OCJENA PONUDA	NAZIV PONUĐAČA
R. B.	„Konsultantske usluge za strukturiranje emisije korporativnih obveznica“	Grupa ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo
a.	Kvalifikacioni uslovi:	
1.	<p>Lična sposobnost - kvalifikacija prema članu 45. ZJN:</p> <p>USLOV: U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.</p> <p>DOKAZ: U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa (opštinski organ ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 5 tenderske dokumentacije.</p>	+ +
	<p>Sposobnost obavljanja profesionalne djelatnosti:</p> <p>USLOV:</p>	



2.	<p>Što se tiče sposobnosti obavljanja profesionalne djelatnosti, ponuđači moraju biti registrovani za obavljanje djelatnosti koja je predmet nabavke.</p> <p>DOKAZ: U svrhu dokazivanja profesionalne sposobnosti ponuđači trebaju uz ponudu dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije.</p>	
3.	<p>Ekonomska i finansijska sposobnost</p> <p>USLOV: Što se tiče ekonomske i finansijske sposobnosti, u skladu sa članom 47. Zakona, ponuda će biti odbačena ako ponuđač ne ispuni slijedeće minimalne uslove, a koji se mogu potvrditi dokazima iz člana 47. Zakona, a to su: a) ukupan promet u posljednje 3 (tri) godine (2014., 2015. i 2016. godina) ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od 3 (tri) godine, koji ne može biti manji od 300.000,00 KM.</p> <p>DOKAZ: Ocjena ekonomske i finansijske sposobnosti ponuđača će se izvršiti na osnovu dostavljene Izjave o ispunjavanju uslova iz člana 47. Zakona, ovjerene od strane ponuđača, koja se dostavlja u formi utvrđenoj Aneksom 7 tenderske dokumentacije i dostavljene obične kopije slijedećih dokumenata:</p> <p>a) Izjava ovjerena od strane nadležnog organa (organ uprave ili notar) da je ukupan promet ponuđača u posljednje 3 (tri) godine (2014., 2015. i 2016. godina) ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od 3 (tri) godine, jednak ili veći od 300.000,00 KM. Uz izjavu ponuđač je dužan dostaviti finansijske izvještaje (bilans stanja i bilans uspjeha) u posljednje 3 (tri) godine (2014., 2015. i 2016. godina) ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od 3 (tri) godine, iz kojih je vidljivo da je ukupan promet ponuđača jednak</p>	<p style="text-align: center;">+ -</p> <p style="text-align: center;">+</p> <p style="text-align: center;">+</p>



AB

	+
<p>ili veći od 300.000,00 KM. Ukoliko u zemlji u kojoj je ponuđač registrovan ne postoji zakonska obaveza posjedovanja navedenih finansijskih izvještaja, ponuđač je dužan dostaviti izjavu ovjerenu od nadležnog organa te zemlje.</p> <p>Tehnička i profesionalna sposobnost:</p> <p>USLOV: Što se tiče tehničke i profesionalne sposobnosti, ponuđači trebaju ispuniti slijedeće minimalne uslove, a koji se mogu potvrditi dokazima iz člana 50. Zakona, a to su:</p> <p>a) uspješno iskustvo u realizaciji istih ili sličnih poslova u posljednje 2 (dvije) godine, u vidu uspješno realizovanog najmanje 1 (jednog) ugovora čija vrijednost ne može biti manja od 150.000,00 KM, a maksimalno 2 (dva) ugovora čija zbirna vrijednost ne može biti manja od 150.000,00 KM, koji se odnosi/e na primjenu zahtjeva emisije vrijednosnih papira u posljednje 2 (dvije) godine. Primjena zahtjeva emisije vrijednosnih papira podrazumijeva iskustvo ponuđača u pružanju konsultantskih usluga emitentu za pripremne aktivnosti za emisiju vrijednosnih papira, odnosno kompletan postupak pripreme i izrade relevantne dokumentacije koja je neophodna za pokretanje postupka emisije;</p> <p>b) Uspješna realizacija na najmanje 10 (deset) dužničkih transakcija u poslovima čije su vrijednosti transakcija (npr. izdavanja korporativnih obveznica, privatnog plasmana duga, sindiciranih kredita i sl.) jednake ili veće od 100.000.000,00 KM u posljednje 2 (dvije) godine;</p> <p>c) lista ključnih stručnjaka, sa minimalno 4 (četiri) stručnjaka koji će učestvovati u svim fazama projekta – "ključni stručnjaci", a koji moraju ispunjavati minimalne zahtjeve stručnosti, iskustva, te poznavanja jezika prema tabelama kako slijedi:</p> <p style="text-align: center;">I - Ključni stručnjak Voditelj projekta</p> <p>Opšte profesionalno iskustvo:</p> <ul style="list-style-type: none"> - Minimum 15 godina profesionalnog iskustva; - Minimum 5 godina profesionalnog iskustva kao voditelj projekta sličnog obima u polju finansiranja infrastrukture; <p>Specifično profesionalno iskustvo:</p> <ul style="list-style-type: none"> - 5 godina međunarodnog iskustva; - Iskustvo sa vođenjem tri projekta u infrastrukturnom sektoru u Srednjoj i Istočnoj Europi u zadnjih 5 godina; <p>Lokacija i jezik: Voditelj projekta će biti lociran</p>	



u Srednjoj i Istočnoj Europi, te posjedovati znanje jednog od lokalnih jezika (bosanski/hrvatski/srpski) i engleskog jezika.

II – Ključni stručnjak Kordinator projekta u Bosni i Hercegovini

Opšte profesionalno iskustvo:

- Minimum 15 godina profesionalnog iskustva;
- Minimum 3 godine profesionalnog iskustva kao voditelj projekta sličnog obima u polju finansiranja infrastrukture;

Specifično profesionalno iskustvo:

- 5 godina profesionalnog iskustva u projektima u finansijskom sektoru;

Lokacija i jezik: Stručnjak će biti lociran u Bosni i Hercegovini tokom 70% trajanja projekta, te posjedovati znanje jednog od lokalnih jezika (bosanski/hrvatski/srpski) i engleskog jezika.

III- Ključni stručnjak Stručnjak u dužničkom savjetovanju

Opšte profesionalno iskustvo:

- Minimum 10 godina profesionalnog iskustva;
- Minimum 5 godina profesionalnog iskustva na projektima sličnog obima u polju dužničkog savjetovanja;

Specifično profesionalno iskustvo:

- 10 godina međunarodnog iskustva;
- Iskustvo sa najmanje pet uspješno završenih projekata prikupljanja finansiranja kroz dug u u zadnje 2 godine sa transakcijskom vrijednošću iznad 100.000.000,00 KM (ili ekvivalent u stranoj valuti);

Lokacija i jezik: Stručnjak u dužničkom savjetovanju će biti lociran u jednom od međunarodnih finansijskih centara (London, New York ili Singapur) tokom cijelog trajanja projekta, te mora posjedovati znanje engleskog jezika.

IV - Ključni stručnjak Stručnjak u finansiranju infrastrukturnih projekata

Opšte profesionalno iskustvo:

- Minimum 10 godina profesionalnog iskustva;
- Minimum 5 godina profesionalnog iskustva kao voditelj projekta sličnog



<p>obima u polju finansiranja infrastrukture;</p> <p>Specifično profesionalno iskustvo:</p> <ul style="list-style-type: none"> - 10 godina međunarodnog iskustva; - Iskustvo sa najmanje pet uspješno završenih projekata prikupljanja finansiranja za infrastrukturne projekte kroz dug u zadnjih 5 godina sa transakcijskom vrijednošću iznad 100.000.000,00 KM (ili ekvivalent u stranoj valuti); <p>Lokacija i jezik: Stručnjak u finansiranju infrastrukturnih projekata mora posjedovati znanje engleskog jezika.</p> <p>Napomena: <u>ukoliko dokazi o ispunjavanju uslova iz ove tačke tenderske dokumentacije za Ključne stručnjake III i IV budu sadržavali tražene podatke o specifičnom radnom iskustvu izražene u stranoj valuti, ispunjavanje uslova utvrditi će se preračunavanjem strane valute u KM (konvertibilne marke), prema kursu Centralne banke Bosne i Hercegovine koji je važio na dan predaje ponude.</u></p> <p><u>Svi troškovi prevođenja dokumenta na lokalni jezik (bosanski/hrvatski/srpski) idu na teret izabranog ponuđača.</u></p> <p>DOKAZ:</p> <p>Ocjena tehničke i profesionalne sposobnosti ponuđača će se izvršiti na osnovu slijedećih dokaza:</p> <p>a) spisak uspješno izvršenih ugovora o pruženim uslugama koje su predmet nabavke u posljednje 2 (dvije) godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od dvije godine. Uz spisak izvršenih ugovora ponuđač je dužan dostaviti potvrdu kojom dokazuje da ima uspješno realizovan najmanje 1 (jedan), a maksimalno 2 (dva) ugovora koji se odnosi na primjenu zahtjeva emisije vrijednosnih papira u posljednje 2 (dvije) godine, minimalne vrijednosti 150.000,00 KM (pojedinačno ili zbirno). Potvrda obavezno sadrži naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenom ugovoru. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenom ugovoru, uz predočenje dokaza o učinjenim pokušajima da se takva potvrda/e obezbijedi;</p> <p>b) Potvrda kojom ponuđač dokazuje da ima uspješno realizovan najmanje 1 (jedan), a</p>	
---	--



	<p>maksimalno 10 (deset) ugovora u posljednje 2 (dvije) godine koji je/su obuhvatao/tali uspješnu realizaciju na najmanje 10 (deset) dužničkih transakcija (npr. izdavanja korporativnih obveznica, privatnog plasmana duga, sindiciranih kredita i sl.) čije su vrijednosti jednake ili veće od 100.000.000,00 KM. Potvrda obavezno sadrži naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenom ugovoru. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenom ugovoru traženog sadržaja, uz predočenje dokaza o učinjenim pokušajima da se takva potvrda/e obezbjedi.</p> <p>c) CV (biografije) ključnih stručnjaka iz tačke 7.4.1 c) ove tenderske dokumentacije, iz kojih je vidljivo da ispunjavaju uslove propisane u tabelama navedene tačke tenderske dokumentacije (zahtijevano opšte i specifično profesionalno iskustvo, te poznavanje jezika koji se zahtijeva za svakog pojedinačnog ključnog stručnjaka).</p> <p>Ponuđač je dužan dostaviti u sastavu ponude originale ili ovjerene kopije dokumenata kojim dokazuje tehničku i profesionalnu sposobnost.</p>	-
5.	Izjava o ispunjavanju uslova iz člana 52. Zakona data u Aneksu 8 i 8.1 tenderske dokumentacije	+ +
b.	Ispunjenost uslova u pogledu dostavljanja svih potrebnih dokumenata prema sadržaju ponude:	
1.	Popunjen Obrazac za ponudu koji je dat u Aneksu 2 tenderske dokumentacije	+
2.	Popunjen Obrazac za cijenu ponude koji je dat u Aneksu 3 tenderske dokumentacije	+
3.	Popunjen obrazac povjerljivih informacija koji je dat u Aneksu 4 tenderske dokumentacije (ponuđači su dužni dostaviti ispunjen ovaj obrazac ukoliko imaju povjerljivih informacija)	+*
4.	Izjava o ispunjenosti uslova iz člana 45. stav (1) tač. od a) do d) Zakona o javnim nabavkama („Službeni glasnik BiH“, broj: 39/14) data u u Aneksu 6 tenderske dokumentacije	+ +



5.	Izjava o ispunjenosti uslova iz člana 47. Zakona o javnim nabavkama („Službeni glasnik BiH“, broj 39/14) data u Aneksu 7 tenderske dokumentacije.	+
6.	Izjava o zajedničkoj ponudi i Izjava o solidarnoj odgovornosti članova grupe ponuđača	+
7.	Potpisan Nacrt ugovora koji je dat u Aneksu 5 tenderske dokumentacije	+
8.	Garancija za ozbiljnost ponude u formi koja je data u Aneksu 9 tenderske dokumentacije	+
9.	Opis usluge koji je dat u Aneksu 10 tenderske dokumentacije, parafiran od strane ponuđača	+
8.	Izjava o namjeri podugovaranja (ukoliko ponuđač ima namjeru podugovoriti dio ugovora) data u okviru Aneksa 2 tenderske dokumentacije	+**
9.	Dokumenti kojima se dokazuje ispunjavanje uslova za primjenu preferencijalnog tretmana domaćeg odnosno Izjava data u okviru Aneksa 2 tenderske dokumentacije	+
10.	Popis dokumentacije koja je priložena uz ponudu	+
Prikaz prihvatljivosti ponuda prema obliku sadržaju i potpunosti		
1.	Cjelovitost ponude	+
2.	Uvezana u cjelinu / knjiga, obezbjeđena jemstvenikom /	+
3.	Sadržaj ponude	+
4.	Ponuda napisana neizbrisivom tintom	+
5.	Pravilno numerisana ponuda	+***
6.	Ponuda napisana na jednom od službenih jezika u BiH	+
7.	Ispravke u ponudi	+
8.	Računske greške	n.p.
9.	Izmjene/dopune ponude i odustajanje od ponude	n.p.
PRIHVATLJIVOST PONUDE		NE

Napomena: (+) u skladu sa tenderskom dokumentacijom **zadovoljava**; (-) u skladu sa tenderskom dokumentacijom **ne zadovoljava**;

+* Ponuđač je kao povjerljive informacije označio Spisak uspješno realizovanih ugovora i potvrde o uspješno realizovanim ugovorima. U skladu sa članom 11. stav (1) tačka c) Zakona o javnim nabavkama, povjerljivim podacima ne mogu se smatrati potvrde, uvjerenja od kojih zavisi kvalifikacija vezana za ličnu situaciju ponuđača. Navedno je propisano i tačkom 8.5 tenderske dokumentacije. U tom smislu, ugovorni organ ih ne može smatrati povjerljivim.



+**Ponuđač nije iskazao namjeru da dio ugovora podugovorom prenese na treća lica.

+*** Prilikom numeracije je napravljeno više ispravki/korekcija korektorom, a da iste nisu potvrđene potpisom ponuđača, niti je naveden datum izvršene ispravke. Međutim, ponuda je numerisana na način da se može pratiti kontinuitet ponude, te se u tom smislu smatra pravilno numerisanom.

- 12. Prikaz traženih i dostavljenih garancija za ozbiljnost ponude:** Ponuđač Grupa ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo je dostavio Garanciju za ozbiljnost ponude na način kako je to zahtijevano tačkom 8.8. tenderske dokumentacije, odnosno u formi propisanoj Aneksom 9 tenderske dokumentacije. Naime, garancija je dostavljena u iznosu od 2.200,00 KM i važi u zahtijevanom periodu (period važenja ponude + 28 dana). Garancija je zapakovana u zatvorenu plastičnu foliju koja je na vrhu zatvorena naljepnicom na koju je stavljen pečat ponuđača..Plastična folija u kojoj je dostavljena originalna bankarska garancija označena je rednim brojem lista, kao i ostali listovi ponude.
- 13. Podaci o pojašnjenju ponuda:** Nije primjenjivo;
- 14. Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprimljena ponuda je uredno zapakovana;
- 15. Analitički prikaz traženih i dostavljenih dokaza profesionalne i tehničke sposobnosti ponuđača:** Pogledati stavku 11. ovog Zapisnika;
- 16. Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Ponuda ispunjava sve zahtjeve u pogledu opisa predmeta nabavke i tehničkih specifikacija;
- 17. Podaci o ispravkama računskih grešaka u ponudama ako ih je bilo:** Nije bilo računskih grešaka;
- 18. Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:**

Ponuda Grupe ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo odbacuje se kao neprihvatljiva, u skladu sa članom 68. stav (4) tačka i) Zakona, odnosno iz razloga što ne ispunjava sve uslove i zahtjeve propisane tenderskom dokumentacijom, kako slijedi:

- Tačkom 7.2.1 tenderske dokumentacije propisano je da ponuđači moraju biti registrovani za obavljanje djelatnosti koja je predmet javne nabavke. Nadalje, u tački 7.5.1 tenderske dokumentacije propisano je da uslove koji su navedeni u tač. 7.1.1, 7.2.1 i 7.6.1. **mora ispunjavati svaki član grupe ponuđača pojedinačno**, te svaki od članova grupe ponuđača mora dostaviti dokumentaciju kojom dokazuju ispunjavanje postavljenih uslova, na način na koji je predviđeno da se dostavljaju dokazi.

Pregledom ponude Grupe ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo ustanovljeno je da član Grupe ponuđača „Delotte“ d.o.o. Sarajevo nije registrovan za obavljanje usluga koje su predmet nabavke („Nabavka konsultantskih usluga za strukturiranje emisije korporativnih obveznica“). Kako se radi o specifičnim konsultantskim (savjetodavnim) uslugama, ugovorni organ je prihvatio djelatnost čija je šifra 70.22 „Savjetovanje u vezi sa poslovanjem i ostalim upravljanjem“, za koje je registrovan član Grupe ponuđača „Deloitte Advisory Services“ d.o.o. Sarajevo. Međutim, član Grupe ponuđača „Delotte“ d.o.o. Sarajevo dostavljenim Aktuelnim izvodom iz sudskog registra nije dokazao da je registrovan za naprijed spomenutu djelatnost, niti bilo koju djelatnost koja bi se mogla podvesti pod savjetovanje odnosno konsultovanje u oblasti koja je predmet nabavke.



- Tačkom 7.4.1 a) tenderske dokumentacije, kao kvalifikacioni uslov u okviru tehničke i profesionalne sposobnosti, zahtijevano je da **ponuđač treba ispuniti slijedeći uslov**: uspješno iskustvo u realizaciji istih ili sličnih poslova u posljednje 2 (dvije) godine, u vidu uspješno realizovanog najmanje 1 (jednog) ugovora čija vrijednost ne može biti manja od 150.000,00 KM, a maksimalno 2 (dva) ugovora čija zbirna vrijednost ne može biti manja od 150.000,00 KM, koji se odnosi/e na primjenu zahtjeva emisije vrijednosnih papira u posljednje 2 (dvije) godine.

Primjena zahtjeva emisije vrijednosnih papira podrazumijeva iskustvo ponuđača u pružanju konsultantskih usluga emitentu za pripremne aktivnosti za emisiju vrijednosnih papira, odnosno kompletan postupak pripreme i izrade relevantne dokumentacije koja je neophodna za pokretanje postupka emisije.

Kao dokaz o ispunjavanju navedenog uslova, tačkom 7.4.2 a) tenderske dokumentacije zahtijevan je: spisak uspješno izvršenih ugovora o pruženim uslugama koje su predmet nabavke u posljednje 2 (dvije) godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od dvije godine. Uz spisak izvršenih ugovora ponuđač je dužan dostaviti potvrdu kojom dokazuje da ima uspješno realizovan najmanje 1 (jedan), a maksimalno 2 (dva) ugovora koji se odnosi na primjenu zahtjeva emisije vrijednosnih papira u posljednje 2 (dvije) godine, minimalne vrijednosti 150.000,00 KM (pojedinačno ili zbirno). Potvrda obavezno sadrži naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenom ugovoru. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenom ugovoru, uz predočenje dokaza o učinjenim pokušajima da se takva potvrda/e obezbjedi.

U svrhu ispunjavanja uslova iz tačke 7.4.1 a) tenderske dokumentacije ponuđač - Grupa ponuđača Deloitte Advisory Services“ d.o.o. Sarajevo i „Deloitte“ d.o.o. Sarajevo dostavio je „Spisak uspješno izvršenih ugovora koji prikazuju iskustvo u realizaciji istih ili sličnih poslova u posljednje 2 (dvije) godine, u vrijednosti većoj od 150.000,00 KM, koji se odnosi na primjenu zahtjeva emisije vrijednosnih papira u posljednje 2 (dvije) godine“. U spisku je kao Opis projekta/usluge (predmet ugovora) navedeno „Projekat „Game“ (igra) – **Deloitte Corporate Finance LLC, New York** je nastupao kao finansijski savjetnik za izdavanje obveznica za institucionalne investitore radi podrške pripajanju ciljnog društva u Sloveniji. Deloitte je pružio savjetovanje o zaduženju društvu i njegovim dioničarima“.

Nadalje, ponuđač - Grupa ponuđača Deloitte Advisory Services“ d.o.o. Sarajevo i „Deloitte“ d.o.o. Sarajevo dostavio je „Izjavu o pruženim uslugama/preporuka-referenca“ gdje je kao davalac usluga naznačen **Deloitte Corporate Finance LCC, New York**, te je dostavio pismeno prevedeno od strane ovlaštenog sudskog tumača Almira Čomora. Predmet pismena je „Dospjelo plaćanje po pismu o preuzimanju angažmana od 10.08.2016. godine između Win Systems International Holdings, Inc. i **Deloitte Corporate Finance LLC**, iz čijeg sadržaja je vidljivo da je plaćanje za uspješnu realizaciju posla u iznosu od \$1.596.625 izvršeno na račun davaoca usluge **Deloitte Corporate Finance LCC**.“

- Tačkom 7.4.1 b) tenderske dokumentacije, kao kvalifikacioni uslov u okviru tehničke i profesionalne sposobnosti, zahtijevano je da **ponuđač treba ispuniti slijedeći uslov**: uspješna realizacija na najmanje 10 (deset) dužničkih transakcija u poslovima čije su vrijednosti transakcija (npr. izdavanja korporativnih obveznica, privatnog plasmana duga, sindiciranih kredita i sl.) jednake ili veće od 100.000.000,00 KM u posljednje 2 (dvije) godine.



Kao dokaz o ispunjavanju navedenog uslova, tačkom 7.4.2 b) tenderske dokumentacije zahtijevana je: potvrda kojom ponuđač dokazuje da ima uspješno realizovan najmanje 1 (jedan), a maksimalno 10 (deset) ugovora u posljednje 2 (dvije) godine koji je/su obuhvatao/tali uspješnu realizaciju na najmanje 10 (deset) dužničkih transakcija (npr. izdavanja korporativnih obveznica, privatnog plasmana duga, sindiciranih kredita i sl.) čije su vrijednosti jednake ili veće od 100.000.000,00 KM. Potvrda obavezno sadrži naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenom ugovoru. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenom ugovoru traženog sadržaja, uz predočenje dokaza o učinjenim pokušajima da se takva potvrda/e obezbjedi.

U svrhu ispunjavanja uslova iz tačke 7.4.1 b) tenderske dokumentacije ponuđač - Grupa ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo dostavio je „Popis uspješno ispunjenih ugovora pokazujući iskustvo u uspješnoj realizaciji na najmanje 10 (deset) dužničkih transakcija u poslovima čije su vrijednosti transakcije (npr. izdavanja korporativnih obveznica, privatnog plasmana duga, sindiciranih kredita i sl.) jednake ili veće od 100.000.000,00 KM u posljednje 2 (dvije) godine“, te 10 Izjava o pruženim uslugama/preporuka-referenca. Iz Popisa uspješno ispunjenih ugovora, kao i iz dostavljenih izjava vidljivo je da su pružaoci usluga slijedeći privredni subjekti: **Deloitte & Touche Corporate Finance Pte Ltd, Singapur, Deloitte Corporate Finance LCC, New York** (pet Izjava), **Deloitte LLP, London** (dvije Izjave), **Deloitte Corporate Finance Inc., Toronto** i **Deloitte Ireland, Dublin** (posljednja izjava gdje je Davalac usluge Deloitte Ireland, Dublin nije navedena u Popisu).

Iz navedenog je vidljivo da se dokazi o ispunjavanju uslova iz tač. 7.4.1 a) i b) koji su dostavljeni u ponudi Grupe ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo bez sumnje **ne odnose na ponuđača**, nego na privredne subjekte: Deloitte Corporate Finance LCC, New York (za tačku 7.4.1 a) tenderske dokumentacije), odnosno na privredne subjekte: Deloitte Corporate Finance LCC, New York, Deloitte & Touche Corporate Finance Pte Ltd, Singapur, Deloitte LLP, London, Deloitte Corporate Finance Inc., Toronto i Deloitte Ireland, Dublin (za tačku 7.4.1 b) tenderske dokumentacije).

Iz naprijed citiranih odredbi tenderske dokumentacije jasno je da je ugovorni organ, a u skladu sa Zakonom, zahtijevao ispunjavanje kvalifikacionih uslova od strane ponuđača. Pojam ponuđača definisan je članom 2. stav (1) tačka c) alineja 1) Zakona, koji propisuje da je privredni subjekat pravno ili fizičko lice, ili grupa takvih lica, koji na tržištu nude robe, usluge i/ili radove, a registrovani su za obavljanje predmetne djelatnosti, te mogu učestvovati u postupku javne nabavke kao ponuđač koji je dostavio ponudu.

Dakle, ponuđač je privredni subjekat (pravno ili fizičko lice, ili grupa takvih lica) koji na tržištu nudi robe, usluge i/ili radove, registrovani su za obavljanje djelatnosti koja je predmet nabavke i **dostavili su ponudu u postupku javne nabavke**.

U ovom otvorenom postupku javne nabavke ponuđač koji je dostavio ponudu je Grupa ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo. Privredni subjekti Deloitte Corporate Finance LCC, New York, New York, Deloitte & Touche Corporate Finance Pte Ltd, Singapur, Deloitte LLP, London, Deloitte Corporate Finance Inc., Toronto i Deloitte Ireland, Dublin **nisu članovi ove grupe ponuđača**, i kao takvi nisu ponuđači u ovom postupku javne nabavke, te njegove reference (spisak izvršenih ugovora i potvrde o uspješnoj realizaciji istih) nisu relevantne niti prihvatljive u ovom postupku nabavke.



S obzirom da je tačkom 7.4.1 tenderske dokumentacije propisano da uslove koji su postavljeni treba ispunjavati ponuđač definisan članom 2. stav (1) tačka c) alineja 1) Zakona, te da se dostavljeni dokazi o ispunjavanju ovog uslova ne odnose na ponuđača - Grupu ponuđača koji je dostavio ponudu u ovom postupku nabavke, komisija je ocijenila da ponuđač Grupa ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo nije dokazao ispunjavanje uslova iz tač. 7.4.1 a) i b) tenderske dokumentacije.

- Tačkom 7.4.1 c) tenderske dokumentacije, kao kvalifikacioni uslov u okviru tehničke i profesionalne sposobnosti, zahtijevano je da **ponuđač treba ispuniti slijedeći uslov**: lista ključnih stručnjaka, sa minimalno 4 (četiri) stručnjaka koji će učestvovati u svim fazama projekta – “ključni stručnjaci”, a koji moraju ispunjavati minimalne zahtjeve stručnosti, iskustva, te poznavanja jezika prema tabelama kako slijedi:

➤ *I - Ključni stručnjak*

Voditelj projekta

Opšte profesionalno iskustvo:

- *Minimum 15 godina profesionalnog iskustva;*
- *Minimum 5 godina profesionalnog iskustva kao voditelj projekta sličnog obima u polju finansiranja infrastrukture;*

Specifično profesionalno iskustvo:

- *5 godina međunarodnog iskustva;*
- *Iskustvo sa vođenjem tri projekta u infrastrukturnom sektoru u Srednjoj i Istočnoj Europi u zadnjih 5 godina;*

Lokacija i jezik: Voditelj projekta će biti lociran u Srednjoj i Istočnoj Europi, te posjedovati znanje jednog od lokalnih jezika (bosanski/hrvatski/srpski) i engleskog jezika.

➤ *II – Ključni stručnjak*

Koordinator projekta u Bosni i Hercegovini

Opšte profesionalno iskustvo:

- *Minimum 15 godina profesionalnog iskustva;*
- *Minimum 3 godine profesionalnog iskustva kao voditelj projekta sličnog obima u polju finansiranja infrastrukture;*

Specifično profesionalno iskustvo:

- *5 godina profesionalnog iskustva u projektima u finansijskom sektoru;*

Lokacija i jezik: Stručnjak će biti lociran u Bosni i Hercegovini tokom 70% trajanja projekta, te posjedovati znanje jednog od lokalnih jezika (bosanski/hrvatski/srpski) i engleskog jezika.

➤ *III- Ključni stručnjak*

Stručnjak u dužničkom savjetovanju

Opšte profesionalno iskustvo:



- Minimum 10 godina profesionalnog iskustva;
- Minimum 5 godina profesionalnog iskustva na projektima sličnog obima u polju dužničkog savjetovanja;

Specifično profesionalno iskustvo:

- 10 godina međunarodnog iskustva;
- Iskustvo sa najmanje pet uspješno završenih projekata prikupljanja finansiranja kroz dug u u zadnje 2 godine sa transakcijskom vrijednošću iznad 100.000.000,00 KM (ili ekvivalent u stranoj valuti);

Lokacija i jezik: Stručnjak u dužničkom savjetovanju će biti lociran u jednom od međunarodnih finansijskih centara (London, New York ili Singapur) tokom cijelog trajanja projekta, te mora posjedovati znanje engleskog jezika.

➤ IV - Ključni stručnjak

Stručnjak u finansiranju infrastrukturnih projekata

Opšte profesionalno iskustvo:

- Minimum 10 godina profesionalnog iskustva;
- Minimum 5 godina profesionalnog iskustva kao voditelj projekta sličnog obima u polju finansiranja infrastrukture;

Specifično profesionalno iskustvo:

- 10 godina međunarodnog iskustva;
- Iskustvo sa najmanje pet uspješno završenih projekata prikupljanja finansiranja za infrastrukturne projekte kroz dug u zadnjih 5 godina sa transakcijskom vrijednošću iznad 100.000.000,00 KM (ili ekvivalent u stranoj valuti);

Lokacija i jezik: Stručnjak u finansiranju infrastrukturnih projekata mora posjedovati znanje engleskog jezika.

Kao dokaz o ispunjavanju navedenog uslova, tačkom 7.4.2 c) tenderske dokumentacije zahtijevani su: CV (biografije) ključnih stručnjaka iz tačke 7.4.1 c) ove tenderske dokumentacije, iz kojih je vidljivo da ispunjavaju uslove propisane u tabelama navedene tačke tenderske dokumentacije (zahtijevano opšte i specifično profesionalno iskustvo, te poznavanje jezika koji se zahtijeva za svakog pojedinačnog ključnog stručnjaka).

Iz CV-eva dostavljenih u ponudi Grupe ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo vidljivo je slijedeće:

➤ I - Ključni stručnjak Voditelj projekta

Nije vidljivo da ima najmanje 5 godina iskustva kao **voditelj projekta** (vidljivo je najviše 2 godine i to 2014. i 2016. godina, i to pod pretpostavkom da su projekti trajali cijelu 2014. i 2016 godinu). Nije vidljivo da ima najmanje 5 godina međunarodnog iskustva, jer nije naveden period u kojem je predloženi stručnjak radio na projektima

➤ II – Ključni stručnjak Koordinator projekta u Bosni i Hercegovini

Nije vidljivo da ima najmanje 3 godine iskustva kao **voditelj projekta**. Nije vidljivo da posjeduje najmanje 5 godina profesionalnog iskustva u projektima u finansijskom sektoru, jer u CV-u nisu navedeni projekti na kojima je predloženi stručnjak radio, a samim tim niti period u kojem je radio na projektima.



➤ *III- Ključni stručnjak Stručnjak u dužničkom savjetovanju*

Nije vidljivo da ima najmanje 5 godina iskustva kao **voditelj projekta**.

➤ *IV - Ključni stručnjak Stručnjak u finansiranju infrastrukturnih projekata*

Nije vidljivo da ima najmanje 5 godina iskustva kao **voditelj projekta**.

Kao što je vidljivo iz naprijed obrazloženog, detaljnim pregledom podataka dostavljenih u biografijama predloženih ključnih stručnjaka, komisija je ocijenila da ponuđač - Grupa ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo nije dokazao ispunjavanje uslova iz tačke 7.4.1 c) tenderske dokumentacije.

Pored navedenog, ponuda sadrži slijedeće formalno-pravne nedostatke:

- Na strani broj 4 ponude Grupe ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo, u Obrascu za ponudu - Izjava ponuđača (strana 2 Obrasca) vršena je ispravka kod iznosa PDV-a, a koja nije izvršena na način kako je propisano tačkom 8.4.1 tenderske dokumentacije, odnosno ispravka nije potvrđena potpisom ponuđača, uz navođenje datuma ispravke.

19. **Razlozi za odbijanje ponude zbog neprirodno niske cijene:** Nije primjenjivo;
20. **Analiza prihvatljivih ponuda prema kriteriju za izbor ponude:** Nije bilo prihvatljivih ponuda.
21. **Rangiranje prihvatljivih ponuda prema kriteriju za izbor ponude:** Kriterij za dodjelu ugovora je „najniža cijena“.
Nijedna ponuda nije prihvatljiva.
22. **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Nijedna ponuda nije prihvatljiva i nisu ispunjeni uslovi da ugovorni organ zaključi ugovor u predmetnom postupku;
23. **Podaci o dijelu ugovora koji se daje u podugovor i podatke o podizvođaču:**
Nije primjenjivo;
24. **Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:**
Nije primjenjivo;
25. **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Komisija daje prijedlog direktoru Javnog preduzeća „Autoceste Federacije Bosne i Hercegovine“ društvo sa ograničenom odgovornošću Mostar da se ponuda Grupe ponuđača „Deloitte Advisory Services“ d.o.o. Sarajevo i „Deloitte“ d.o.o. Sarajevo odbaci kao neprihvatljiva u skladu sa članom 68. stav (4) tačka i) Zakona o javnim nabavkama, te da donese Odluku o poništenju postupka nabavke, a u skladu sa članom 69. stav (2) tačka d) Zakona o javnim nabavkama, jer nijedna primljena ponuda nije prihvatljiva.
26. **Datum završetka postupka pregleda i ocjene ponuda:** Komisija je završila pregled i ocjenu ponuda dana 16.10.2017. godine;



27. Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

Melika Alajbegović, predsjednik komisije *Alajbegović*
 Aida Zeba, član komisije *Zeba*
 Ljubica Sorak, član komisije *Sorak*

Za sekretara Komisije imenovana je Adila Salčinović.

28. Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.): Nema priloga.



Saglasan:

Adnan Terzić
 Adnan Terzić, dipl.ing.



AD